

5563.8
8031
v.3

詩

好古齋集
三

共
四

BERKELEY
LIBRARY
UNIVERSITY OF
CALIFORNIA

Carpentier

好古詩中

次松石園咏雪韻

山光幽墨慘窮冬故向噴坑一夜封屋小茅乾來颯
香簾踈燈暗入從容孤村問酒先開迤近市歸樵獨
有蹤莫道荒居易羞澀簷峯皆作玉芙蓉

參差折竹覆溪砒門巷深深斷過楚蕭寺月高人倚
柱茅齋爐小客圍窓細穿籬落欺梅點亂入庭皋失
鶴雙最愛樊川多意緒較看蓬底睡秋江

赤惡雄狐黑惡烏壓巢封穴在頂更同眺萬物寰中
徧強項高松嶺上孤大勢驅來麾不去嚴威霽却寂

如無試看今日長安道幾箇冰心照玉壺

西崖埋却舊扳梯欲訪新梅逕轉迷谷底凍泉終日
響洞門雲栢一時低兩三巖背花枝出多少林間鹿
跡齊乘興擬將孤棹去無人今住剡中溪

緇塵無復累形骸玉燭昇平氣不乖分外埏埴相與
埒向來畦畛一般埋同雲狼籍時寒暑大地輝光物
覩皆綠林掃蕩貪泉涸道上遺珠孰肯懷

麪市鹽車捻失真較他清素等埃塵薰炙不避朱門
貴冷淡偏看白屋親殘夜樓臺生海日舊年門巷入
江春翻疑經過青城裡到處逢迎鶴髮人

梨花片片蝶紛紛欲得傳神未七今始下庭陰疎可
數積來檐背重無聞巾衫飄瞥經吳客戈甲糗糒入
蔡軍一種寒山堪畫處萬株松上濕和雲

樵客谿沈宿未還柴扉村冷晝仍閑城中賣炭應呵
手江上垂竿獨解顏飛洒風吹千尺瀑虛明月吐四
更山何當快意龍門賞簷隙蕭疎豹一斑

鹽鼓銀鱸十月交臨臬底事恨無肴浦邊珠墮幽鮫
淚穴裡毛餘白鳳巢潤麥占豐參巧磨履霜存戒驗
初交強吟欲和郢中曲却恐瘦寒似岳郊

玉妃星駕穀朝差縞帶霓裳整復斜抵罷崑崙飛去

鵲踏殘簷當落來花瓊林夜宿山陰道寶剎時尋謝
氏家還似楚天雲雨散度阡逾陌靜無譁

次樹亭柳檢書首夏韻

軒窓足幽事林竹亦從遮靜護蜂留管閑鳴鶴啄花
蕊殘知杖藜蒲桑有鞭撻除却簷鈴動應無外物譁

人定鍾

次劉長僚
巨鎮韻

禹鼎淪泗穀神功竟難喻岐陽非耀德之果安可數
存廢跡雖異壹是誇騁驚通來數千載王氣遂不布
麗代既云季妖氛迷國步 聖祖乘大運中天掃黃
霧日月復昭煥鱗翼爭攀附聿來漢之陽大邑實西

顧食龜澗瀝分定鼎邾鄆固不聞提三尺何曾赫一
怒雍容秉文德風雲動干羽窮髮及出日皮貝來貢
賦銷兵事春農介駟驂五輅仁風扇大治萬品咸陶
鑄鴻業蕩無外金簡書難具此鍾際時成銘誦萬一
補借問銘者誰權公所布漢有文同其聲渢泱感婦
孺有字同其質剛勁不朽蠹那無史皇篆詰屈恐訛
謬斑斑載程楷橫目皆會晤學不一羊易鑄非九牧
聚器大難為文天成反樸素楫而無苦濫脫然去鑿
鑿拒忝起莫量伶倫失所措隔八合大成希音準韻
韻下堂虞雖古置庭秦可惡喧喧國都市齊民若水

趣有蕩雲從衢物與地相遇傑閣康莊間四無塗墜
傳前帶明堂水衡達如砥路周遭列檠戟嚴森窺武
庫鐵鉤壯追蠡柱磔儼簷附下挂垂萬勾架撐牢抵
括圉蠹龍首卷雲物常吞吐物用貴軌度焉可作繫
瓠警民限作息耕鑿亦循務宣如徇道鐸鏗鏗鳴不
駐滿卅即除二上應經星度清越吼秋霜函胡微夜
雨紫閣烽已落銅龍漏初注一撞聲始振市門驚奔
赴正如壯士怒叱吃千人怖再撞聲正激澎鉤翻海
颺烏鵲失故棲啞啞繞深封三撞益嘈呖百谷聲如
銅森竦愁嶽夔蒼黃落片菟撞罷聲未絕餘響杳回

互萬井羣動息迢遞層城暮但聞秋郊外啾啾啼鬼
姬禁暴絕誰可何待金吾捕詩無露殿浥謠聽民安
作誰敢語輕重各自懷戒懼縱無象物恠不與不若
迂昏曉聽無譁達四同誕諭念昔龍蛇歲愜我漆沮
渡楚子問九鼎魏寇摧承露鍾乎甬獨存校虜還瞿
瞿亨衢非慢藏百靈費呵護螳臂詎能撼狗臊空相
汙靈籙喜再昌神物無改故回今王真聖武救功承
先裕天球均國寶晨夕寄宸慕巍巍祖宗業餘
烈致刑錯泰山二字顏黃河二字涸庶見此鍾磬千

萬延國祚

東溪崔丈允昌挽

菊山宅裡初見時公曰居吾語汝詩詩可以羣不可
僻歸求斯言有餘師蛇神牛鬼當時體帛文栗味無
人知滔滔狂瀾駕大地隻手回障東注之嚴翁已死
予生少百年斯文其在斯况復令子省僚舊過庭詩
禮相師資汝南先賢許家在河北赫世博陵推每歲
月正元日朝柏酒升堂介壽眉壽眉如雪顏如玉梅
花小室春意遲遣兒辟書愛蓮說旋馬庭鑿觀魚池
仁者有壽壽無辱烟火不改神仙姿三彭應無庚申
訢二豎底事至夜窺錦囊佳句三萬日此日絕筆白

髮詞白髮白髮如爾何公樂天命逝不疑大師通來
採風謠蕝潛揚仄公所戶生者無愧死者缺吾亦於
公將有辭松崖竹軒舊時好人間詞賦地下期某邱
依依某水流故里何處非戒思雲臺恨入芳草綠翠
園淚濺春花枝欲誅不文欲歌長大聲慟哭送素輶
獨有馨德埋不得留在吾黨之口碑

崔子重挽

有酒如猛士無酒如愚人無詩心若灰有詩氣若神
使君無詩酒生不如歸真社徒頗星散廢吟將十春
時令重禁釀病喝餘九旬屈首洛陽邱悒悒困酒鱗

渥赭好顏色近漸白勝銀戒苦為寬譬齟齬難重陳
四顧無長籌上訴誰極因忽棄妻子去去作玉京身
脫下紅塵韉快騎白麒麟手把紫烟書來叩閭闔晨
筓班會見招脩文當及辰酒星羅下列文曲結芳鄰
下視塵寰處壤蟲空紛綸恨余不早計歲月空因循
和章復競病千篇來往頻大醵無清濁百榼注如泉
以茲阿其好庶幾不戒捐空言竟何補佇立以沾巾
顧惟清都資不為人所馴一入白雲鄉相思不可親
維揚盖有塚年年春草新

松石園重修聯句

處此山中靜雲松寄短椽子君善迤迤薇苑側秩秩玉

溪偏明王步小隱猶知足清脩孰比肩張元文章恣訪

討經義極覃研林子通攤飯支肱曲澆書坦腹便初文挹

芬蘭社契稱達竹林賢王步庚整欲鷗盟踐終為鶴怨

牽君善陶園嗟廢棄揚宅惜顛顛明步巖籀塵添浣階葩

兩打妍一元房櫳宿羽集根闌蟲絲連子通草帶誰言采

麻皴會不竄初文商量同志歎工費幾緡穿庚步歌礎開

還整空籬補更堅君善故新隨向背仍貫得經權明步壁

牖宜移鑿楣顏合改鑄一元螺鬟微碧獻烏几點埃蠲

遁止彼邱隅鳥餉予鼎裡饘初文率身行日可游藝在

時焉

步

素履追高蹈丹田理宿愆

善

渙餘因萃作記

後以時箋步坐靜生虛白言微入太玄

元

篆竒蛇詰

屈畫活錦煩擱邇款識益磁古分排藥裹圓

初

烟蘿

從脫略簪蒂謝色纏

步

漱石骨筋勁食泉榮衛痊

善

敢希桓綬譚應悔董帷褰

步

洗幘池光瑩倚筇峯翠

鮮

元

林禽羅砌隙崖蜜匝畦邊

道

地訝构成犬堂非

鶴墜鸛

初

夢熊祈寢晏舞燕賀檐聯

步

蝸室初心復

鵠原暮景全

善

卧桑栽八百床帙貯三千

明

課業東

隣共舒懷一壺專

元

替伴雙鯉躍留客兩旗煎

邇破

寂圍殘局凌危繕舊篴

初

自来携管榻疇與割江氈

狹
疑
故

推
更
考

步
庚營產昧良術學仙希祕詮君紛華忘想念遠聞任

盤旋步渺傲若逃名士癡疑學定禪元固窮曾不悶訟

過巫須悛道子日邁將肥遯天遊遽解懸初文舌耕亡犢

佩神悟失羊鞭步花迳鋪紋繡苔庭錯寶鈿君飛湍

澄境界薄圃挾區廛步妻續香爐爐兒疏橘井填元

露消傾硯沼萍泛導觥船道子窺戶表飢卧捫衣孟舍

遷初葉題煩贈答飽酌屢招延步興卓常推腕談橫

輒垂涎君浮漚思草草幻海夢綿綿步撫跡循塗轍

觀爻會意筌元蠻爭憐闔角龜壽羨巢蓮道子棲息饒

櫓木猜嫌遠枕乾初藕薰休苦辨鑿枘詎輕捐步霜

雪輸雙鬢風流屬大拳

君善

簞瓢貧獨護裘葛氣俱宣

步鹿閑躬閑檢鷄援手慣編

一元

雌黃證耳熱忙迫斷

眉燃子劣馬慙朱博無錢乞鄭虔

文初

爰居式相好寵

辱等輩

步庚

遊東嶺瀑

橋頭初曙色郭外正秋山草封軍城冷莓苔野寺閑
入雲呼僕至尋瀑倩僧還欲證重来約留題古壁間

其二

歷觀皆異狀合計是佳山定為登攀遠仍無應接閒
沈吟巖桂落徒倚嶺雲還安得同僧住鬚眉白此間

南元郡齋

秋雨空齋冷蒼山曙不開
攬衣窺室白呼燭撲爐灰
落葉愁何盡邊鴻苦遠來
廣陵多少水候吏未應回
途中雜詠

野客羞折腰行行避車馬
偶逢達官來背立秋對下
安養村

老有舍飴樂兒無負米貧
每過安養里風對淚沾巾
華城

真殿西連奉壽樓飛甍羅
絡壓黿頭新豐自是宸
遊地夜夜東南御氣浮

其二

繚繞雲間百雉城
滿山樓閣不分名
黃昏傳鑰千門
閉高處銀燈數點明

同子道和柳對軒寄示韻

中院近清切垣扉通長樂
慈龍瓊對枝來庇瓦官閣
閣底有二鈔抱書思冲漠
蕭然几牘間終日秋葉落
何如待詔者榮華稱東郭

其二

君子貴素行蓬累聊且樂
不才矧龍鍾聯武添鳳閣
有如附驥尾戴翼越空漠
薄有詩書好用之羞瓢落

幸茲安蹇方東歸無負郭

冬夜社飲于東崖金丈晦章氏宅分岸容待臘
將舒柳山意衝寒欲放梅各賦一篇得臘字

貴可肘繫印富可薪代蠟誰如談天屠龍手十有四
人同時合七步八叉紛成章競病當之若朽拉久拚
身世老蓮社著將名字題鴈塔玉溪桃李東崖月碾
紙尾硯濁醪盒三百六旬無不宜何必烹羊炮羔蓬
伏臘

次朴僚士執影燈韻

明因膏火勢因風飛走浮潛莫有同
逐逐不離旋磨

下生生都在轉輪中
偃師雖死猶餘戲
流馬無傳獨得工
縱道圓通森萬象
端由回斡法高穹

直夜用朴檢書韻回呈

名宗善
號六雲

嚴城傳鑰遠重閣上燈
蓬渺渺鴉棲後沈沈雪
下時煎茶聯石鼎談栗
註烏絲不怕西曹地無
尊獨有詩

其二

却悔彈冠禹還憐學稼
逢定知金省夜回夢鐵
原時野碓杭飏雪山筐
菜疊絲徒君為排悶非
是愛吟詩
千君善初度日邀諸益
設酌次丁茂倫韻共賦

玉溪夢斷舊柴關。此日逢迎一解顏。詞客盡從青麓社，仙家新住赤城山。妻兒靜對琴書內，井臼涼生竹樹間。未信壺中忘甲子，生朝留作酒杯閒。

和樂翁

樵漁準擬老江皋，偶入京華作酒豪。數出庭戶留犬在，暝歸門巷辨槐高。經書自信便便腹，心事沈吟種種毛。自是虛舟無繫著，不分輕浪與狂濤。

其二

村醪雖薄勝官茶，日日微醺到日斜。地僻鞅輪遺跡少，山長雲鳥入觀遐。舊病囊有三年艾，秋計田無五

色瓜頭白會須拂衣去西江楓荻一漁家

其三

淡交相好莫相阿百遍源源若始過為泰不嫌三韭
薄借書還覺一瓠多燈花夜雨聯床話杏對春陰負
杖歌習靜何須觀鼻白近來曾海自無波

其四

近郊耕釣足為情衰晚難期五嶽行老鶴刷翎猶遠
意稚篁分葉已秋聲黃精服食宜中歲白首栖遲愧
後生自是疎狂招物議莫耽佳句要人驚

用冰澗夜集韻

却喜清隄遠，蒼過強將衰頰。整時配憐君，不失青雲志。率爾頻成白石歌，松字聽琴霜氣淨。菊籬移席月明多，尊前起舞婆娑影。縱道風流奈老何。

直夜與林子道劉讓之次滄浪韻

悔不青春惜寸陰，羞將白髮到如今。寄官誰道金門隱，憂國空憐漆室深。應與錢神無素契，獨存詩骨愛清吟。共君十載緇塵裡，一片冰壺未泯心。

次王洞韻

幽迳不知遠，白帽西復西。山風無靜對，洞雨足寒溪。燕坐從苔濕，清談到日低。何如叢碧社，乘月一樽携。

再遊湖南贈林子道司戶

丁卯冬

來時完子病醫藥近如何疎醫收應盡輕痂落漸多
須宜清眼熱莫遽理頭瘰巫祝屬邦禁送神君為歌

口占

沙嘴初生侵敗蘆潭光不動下雙鳬漁梁清曉僧孤
往記得檀園野水圖

金溝卽事

痛僮衝雨雪一步一跚跚為念泥中苦還忘馬上寒

高敞郡齋

紙閣文茵煖不風官厨夕進簋飧饌八梢飜筋凝霜
白七絕登盤吐火紅米價恐逢王述怒鉉基因之趙
過功擊牛焚券非難事志氣無由似老馮

松沙途中

雲烟南紀暖風土北人妨野迳羊蹄綠山祠鴨脚黃
無襦堪卒歲不襪任凌霜問俗饒魚稻憑生樂瘴鄉
馬上口占

海山青不斷連鴈去飛飛遠浦寒潮落孤帆宿未歸

法聖鎮

重鎮千夫長兼輸九郡漕龍驤侵岸繫船尾出門高

湖色天開鏡人烟地壓鼇海安無警備簫鼓弄漁舸

暮投加里驛

古驛蒼山曲黃昏遠客投亂鳴羣犬定始入竹林幽
席滑開簟篋燈香點柏油夜供鮮草具清淡賸官羞

綿城客館對菊

來時籬菊見殘英風雪如今定姜莖此日綿城忽相
對異鄉顏色若為情垂垂蒼珮露含冷箇箇金鈿苔
藉明更欲泛杯慰搖落豔香翻恐喚愁生

道過舊經溪村

小橋無板柳添圍記得溪頭問酒扉遠客含情頻駐

馬沙禽依舊背人飛

井邑縣齋留話濟州士人李懌

細問耽羅勝瀛州實此鄉一山挈絳漢殘夜見扶桑
巔畜白潭靜峭奔明浦長庖頭難可畫鼇骨未曾霜
乙那何為者丁寧自立王娶應逢姁女俗且比羲皇
丹洞宜挑藥瓊沙不種梁魚無潛射影鳥有遠隨陽
叱撥三千紫扶搖九萬蒼於菟天自絕刀布市相忘
城郭磨廢跡閭閻橘柚香如輪星照屋非菌草生房
地是神仙窟人今翰墨場齋糧綏節使乘傳許觀光
冠冕同侯服輶車異越裳聖恩皆子弟壽考半夫

乾隆時有漂
人到濟州言
語文書俱不
可譯或謂曰
宋人咨問燕
京亦不之辨
仍曰

焉其个利至
但口作莫外
莫外之聲故
濟人目名為
莫外云

良近為流工地翻成禦魅方琉球寃血碧莫外旅魂
傷椎髻雖忻陸桃源竟恨黃欲從愁浩渺誰道說荒
唐

曉發

寒郭晨光遠登途顧僕頻風茄聞漸小霧封邇如新
野水星隨馬沙橋火度人擁裘霜氣重無賴魯山春
車嶺途中

平明入山口十里始清曉亂英繞通水枯松盡倒根
霜烏時不叫泥帟夜過痕層巘燒畬在來耕何處村

次樂翁韻

門迳荒寒似近郊
短牆桑樹對小簷
茅苔因禍橫多穿
繡竹為禽棲盡亞
梢縱遠市朝均輦
轂却除風雨異
槽巢鵲書瓶酒
頻來往懶情何
心著絕交

樂翁庄小集余自公追至

春遊連日恨空聞
退食來時晝已分
戶闔先留幾兩
屨爐存猶散若干
薰醉扶上馬逢山
簡吟罷驚人見
陸雲待月煩君了
清賞疎梅影落碧
苔紋

遊關北人日送別

戊辰春

人日思見人還自
別家人在室不省
異將送顏色新

立門雖惻惻猶得望行塵
悠悠征途上何曾半面親
雙門途中

雙門見道峯場塞當馬頂
回出大道望却立層宇迴
時春未柔和山氣猶剗耿
雖無媚華滋竦然如可敬
坎雪與溜冰叅錯限陰嶺
餘勢走躑躑入野方始定
過石缺村

洛下名園日闌芳太湖頑璞
百金償可憐石缺村前路
無數瓊瑰落野塘

立春日次君協韻

北來無驛使年後憶梅兄
今日花開未春應到洛城

戲題

稚兒帖子揭門頭
奔豕驚鴉宛在眸
莫道手中霜兔老
都緣心下紙鴛留

鐵嶺

驛路銀溪北
雲嶂望依違
信馬就夾口
幽側難駢駢
舊棧架窮壑
踈濶如破扉
下有長溪水
奔迅弩發機
山風吹松末
微濛亂雪飛
前岑忽已霽
崕兀銀色輝
亭午始見日
出封疑晨暉
厓脚亘出沒
屢窺窮庶幾
邈迤向顛冢
不知所來巍
却臨萬仞深
氣眩失憑依
北望只一氣
蒼然所見稀
咸關定何處
盤山不可睇

南北自此限越絕從何歸俯視更取逕繞繚山腰圍
下馬試進步瑟縮喪儀威三十三盤曲一曲一歎欬
前者若相逆欲辨還依俤後者百尋上行影落戒衣
有時抱石角手滑霜華霏辛苦愧行旅低頭涕潛揮
垂堂有示戒叱馭乃覺非浮雲阻南望日暮歌式微

永豐途中

東瞻出日近北去長亭斜平莽自寒燒亂山時一家
物華非不在懷惡少相誇粟酒雖無力禁愁也勝茶
夜發定平

中野寂初夜遠猶時一舉雪峯天外小滄海月中高

關道清無警宵正靜不勞吟鞭任老馬歷歷向江皋

樂民樓

城川江水去悠悠江上高樓生暮愁風月自來無庾
亮關山一望似并州古今歌哭千家郭來往輪蹄十
里洲獨有淵翁留傑句畫欄西畔更回頭

北山樓

高棟層軒勢快哉欲消離恨甕徘徊長河落日無邊
下萬里悲風不斷來座外雲山連古塔指頭溟海浸
那臺望鄉何處長安是獨鳥東南極目回

本宮

千年王氣鬱葱葱
廟貌開成舊堵宮
月出冠餘初
織篛龍飛弓在昔
攀彤雲田社裏無
王媼豐沛樓頭
有大風聞說庭前
手栽封當時指點
蓋童童

高山途中

來時不似去時艱
猶是長程隔鐵關
塞日未知生氣
候春風還覺減容顏
野田渺渺天邊封
雲雪冥冥海上山
馬首東來棲鳥後
行尋驛路暮烟間

暮投釋王寺

未到釋王寺先登
新俗門諸天通覺
路半日入靈源
鶴返松無影龍潛
水不喧上方燈火
早應為薜蘿昏

尊潭

衆水西北來鐵壁天為開風霆與之俱摩戛成奇瑰
組甲躡百札綠壁植千枚狼石落顛倒抵敵水屢回
水湍咽不進四出爭喧逐有如玉龍聞鬚鬣紛拉摧
仰視鬱參錯俯窺愁傾顛僕夫脰脚健輕率凌崔嵬
獨自領其妙歎息故遲徊異哉造化力不厭費剪裁

其二

張翰棄官去托言思尊羹濁世早見機滋味豈牽情
當時不識意以此成其名東人未知尊思見如金莖
茲潭有似者藉藉俗耳驚標弭既失實形勝反假鳴

一區乃天造流峭鍾淑清關東五百里奇特少與京
萬瀑一勺貴瓦石千金輕縱使產芝朮不足為潭榮
况茲芹蕨類區區充煎烹始知飲食人難與山水評

張元一大人挽

玉川非藏珠仁山非產芝胡為擅佳勝滿城無異辭
地靈固隨人人在名乃施嘒嘒張處士掩扉寄北涯
丘琴六十載遺世世亦遺出若雲中鶴入如著上龜
往來惟一逕招延絕旁歧濯清而枕石流峭為回姿
天遊若將終仙謫還有期紫烟杳空廓落景翳崦嵫
山川定無賴魚鳥爾何之已通筍班籍安用蒿里辭

欲休義不可粗陳平生知我齡十一二混也實肩隨
承拜社席上撫摩髣髴垂環視無家具懸磬一茅茨
樊簣委土軒脫粟饌菹菹壁掛柯亭笛床披杜陵詩
別有一釣竿揅在黃桑籬童觀少所經頗恠丈人為
亨興共翕汝堂階恣謔嬉折殘扇草綠偷得櫻桃滋
百回上對木黏蟬集遠枝鳬爭黥岩浴竹聯白麓騎
倉卒聞磬歎儼然整衿鴈徑至杏陰下開卷讀何遲
短檠與窻硯鴈塗欲移時四韻雖不足五言多新奇
拍手齊吟嘆清朗填和麓丈人為一笑故不令雄雌
人今仲蔚宅事異習家池甬東歲時改鴛驥各自馳

寒暄故過拜阿悅啓其誰睡起烏皮几銀髮映絲絲
支頤西山曉嵐翠入窓楣卿呼賜隅坐忸怩憶為兒
葭玉縱舊契風流亦吾師後死將誰與乘化竟奚疑
官家有拘禁未獲相締儀恨結不可掇泣向玉川湄

自女溪向北漢途中呼韻

定錫興祿乙同
偕行己巳秋也

雲日熒熒遠沙流脉脉長野人秋穫後門掩柵林黃

鎮國寺

蕭蕭孤寺夕客到雨滿林不知所來徑楓封幾重深

曉起

客睡先僧起松燈點火明幾回峯上雨秋澗曉來聲

山映樓

搖落山情晚寒城一笛秋經過相識少獨倚寺前樓

次數里庄小集韻仍贈座上諸君子

庚午

打窓驕雪捲茅風寒士如何耳獨聽淨掃室清饒有
道長昏飲廢愧無功錢腰十萬難乘鶴詩肚尋常欲
吐虹使有坡翁文似者敢嘆磨竭與同宮

和樂翁韻

樂翁耽句不求名名自隨詩動後生半榻寒氈三世
久一瓢春酒五侯輕留連竹祖忘年慣契濶梅妻立
誓明開戶高吟從偃蹇始知無辱足當榮

樂翁庄值盧惠卿吳敬言金學淵共次元詩韻
溪光欲動小漪淪春意先生卧柳身階葉暖窺書帶
草籬梅晴傷美珠人青山不改玄暉宅新雨相過季
主隣待到花時拚一醉休嫌尚戴舊塵巾

松石園夜餞金宗浩司戶之湖南屯田

醉後離歌咽不清更長燭短喚愁生人無十月臨臬
興池有巴山夜雨聲莫謾傳書嫌地遠須將進酒到
天明南中舊是經過路嶺對湖雲為寄情

敬次閣學士示韻仍呈

春遊難浪跡遲日在華林竹外携琴遠花間置酒深
香傳無定對啼近自來禽祗恐嘔茵醉那忘秉燭心

其二

斜日初穿樹輕雲不滿林竹陰留客久花氣擁人深
地濕先春草樓間足晚禽誰料文墨裡贏得舞雩心
重過君善

愛汝草堂塵事空衝泥頻過錦溪中杏花籬落參星
夕楊柳門庭少女風及此芳時傾大白幾何對底覓
殘紅聞聞共欲尋源去十里洛城東復東

金僉知琬挽

年少聲名半世聞
海峯高卧弄烟雲
千金垂橐歸烏有
萬事揮觴到白紵
洛社衣冠稀舊老
邱山松柏又新墳
樞衡可得為公貴
會籍清都玉笥羣

崔司戶道根大夫人挽

華閥玄風尹
稀年白日仙
德儀無一失
壽福有雙全
教女收鍋屬
課兒蓄膽連
眉齊珍案
舉頭點彩衣
聯末盡南陵
養何知二豎
纏筍魚殘宿
澤諭厠落餘
湔寶婺移躔
次翔鸞罷鏡
前長桑非術
淺西劍莫期
愆素馬丁原
曉嚴霜度月
天終當從禮
祔舊兆矧牛
眠數里書屋
邀千君善張
元一夜話用
陶詩念子

實多分韻各賦

君善顏貌侵吐辭何清豔揮霍斯頃間變出十文燄
燥烈逼傷人反走恐不贍元一一破衫不為塵所染
著書滿其家矻矻老不厭乘虛屈賈壘拔幟欲先占
步庚抱遺經發言無類玷破屋玉溪濱終年一冠墊
商歌出金石意欲俗耳砭文初何為者老大無書劍
日費太倉陳到死侏儒饜徒有一壺冰每見三子念

張元一慈闈壽筵

建亥窮陰月浹旬無一陽見君北堂燕忽爾朝暉長
蔬筍極滋味布荆流寵光年年開此席衣彩到鮑黃

夜集白衡仲書室用譚用之韻

紛紛萬事夢驚頻一枕繁華誰是真唇舌恥為五侯
客身名不失一詩人蓬門却掃塵間跡梅屋相將雪
裡春未老會當掛冠去平公林竹作同隣

和子君善金子淑雲臺賞雪次東坡韻

二子詩腸劇煩渴百篇一斗須臾竭擲盃大斗欲發
狂走向雲臺賞暮雪鯨鯢焚死空鋪張鹽絮誰家差
仿佛銀海萬里邊心膏喜事天工為若德長安如今
米貴玉一斛七緡三年月雲臺臺下几幾家家開
門烟火絕戒願此雪碎為糗糒融為醪總餽貧人口

耳熱

送李公默往湖南監關西賑穀

壬申

清北黎氓欲倒懸
遂隨張角事戈鋌
廟謨始轉河東粟
軍食將屯渭上田
共道倉書飛輓苦
莫論書記藝翰翩
暮年樗散甘損棄
終日金華拂蠹編

初夏王溪讌集

玉澗無塵午景清
家家一對一鶯聲
不因遜者棲遲靜
邨有衰翁出入輕
落盡名花流水在
幾多春雨綠陰生
東風也解遊人意
留得緋桃刺眼明

王師

王師經歲討黃巾義士先登不顧身
七里旌旗增壁彩一宵風雨洗兵塵
梅花吹罷關山月楊柳來思漢水春
從此西門無警急為銷金甲勸農民

其二

西征消息靜無聞此日真傳恨始分
淮海鯨鯢爭授首薩灣貔虎勇超羣
血流雨洗清為水兵氣城空化作雲
藉藉平安巡察府膏藏萬甲有希文

玉溪遊集

舊雨經過晝掩扉主人無事卧書圍
今來綠樹晴方好往聽黃鸝興欲飛
漠漠松陰臨水飯紛紛蘿影掛

巖衣抱琴且有明朝約未必迷花宿不歸

敬次閣學士韻回呈

舊頌龜甲帙曾

賜鴈附琴還勝鄰侯架敢論單父

音手搜香黯黯心賞韻沈沈宛似衙門下相將日洗

襟

右在直
聽琴

洛東名勝紫芝村供奉殘年寄掩門
藜火夢回天祿閣竹林心在辟疆園
夜吟髭短新生白春酒袍斑舊汗痕
徒步誰堪官長罵自無鞍馬趁晨昏

右屬李榆
書功懋

和呈李同知

十塲歌筵一身存白首猶開北海樽
卧内江山今日

眼夢中雲雨舊時魂
醉憐俠少麤豪甚
老厭儒酸禮數煩
顧我慙非賣漿隱
若為來往信陵門

松石園用東坡韻

泝泝欲晴耕欲雨
二者求天天應苦
玉川先生無適莫
雨卧晴出皆淨土
窓間數簣惟一身
恠爾屋底光氣吐
錦囊奇字掛龍梭
古硯墨色含翠羽
更有壁上積雪圖
六月寒風排出戶
松月道人太乾翁
居今好古無於古
貰酒携琴日來往
兩履底穿忘綰補
七言大篇爭雄雌
擬金擊球無陳語
我來揮汗不暇吟
貪看幽竹青一畝
自是困暑非困詩
飯顆歸時日卓午

君善書室與道以步庚共賦

玉溪先生顏如玉行年六十鬢毛綠閒比雲水還不
可雲飛去來水流促只有一事不知老三旬著書牛
腰束六經無麓儲在腹但自便便飯不續自言高卧
非避世世路難行難於蜀辛夷古塢松石園何如勅
賜鑑湖曲卽事逍遙儘良圖莫論山石與風燭

松石園共次李青蓮韻

佳山如畫幙數見還無妙不向玉溪久一來窮夕曜
高松有正韻方池無邪照於茲止視聽自知而自咲
微吟弄清姿非是為詩調

送李道以鎮烏嶺

重門設險鎮東隅
別將宣威長百夫
地絕龍湫層棧
遠天開鳥嶺一城孤
時清市閭黃昌戲
秋熟村迎永
等巫去後欲傳書
數字不知霜鴈過
關無

過許兵使林壑

申全齋光漢故家近為許兵使
近所居石壁刻紅泉翠壁四字

松色泉香絕點塵
翛然不信在城闌
碧蘿林下蒼苔
石來坐人人是主人

月下賞菊

月將輪處菊初華
淡影幽香冷更多
自笑身忙常卜

夜不知佳色晝如何

直夜與林子道諸僚次唐詩

與君少年日文酒時相過萬事今成老浮生苦未多
秋風動城闕昨夜夢松蘿遙憶北山客負薪誰共歌

和朴士執

余收院後薜荔葉
習字士執有詩

物各有所愛千金不易帚攻書四三年浸淫如甘酒
所嗟乏筋骨晚鬼恣跳躁猪雅漫費墨鷄鶩奚暇取
往往被傷朝赧汗動盈斗欲罷還不能真同畏影走
尼父有垂訓難先而獲後恐成中途畫遂令初志負
悵憤屢忘食責心不責手晚得蘭亭帖好若自其口

但苦紙牋艱尺寸隨所有偶見掖垣藤霜葉無蠹朽
摘來試筆尖引動若相誘行當共芻蕘取非盜主守
帶草空自長梯英福所受愛此淨而滑揮弄終申酉
豈謂大巫眼曾未分苗莠虛譽配玄虔濫美追顏柳
羨爾千人掃愧我九牛厚願為寫練裙俾出羊欣右

朴勉之設社飲于白衡仲書室君善病未偕替
以詩仍次其韻

相思獨夜苦嫌遲相對還愁酒盡時顏髮經秋先問
病襟懷向月始有詩東西社裡惟吾在三十年來與
子期此日山中人卧雪一瓢遥慰定為誰

金宗浩夫人挽

樓溪垣屋舊同鄰異日經過獨愴神
劫火免教壇杏在春風記得砌萱新

華陰李學士以書狀赴燕要詩餞之

軍城飲餞集羣公雄髮危冠四座同
萬里行人滄海士百年中土陸渾戎
黃金臺下牛羊道孤竹祠前草
對風北上車塵非報趙孤裘空自歎蒙茸

哭金文昌運

癸酉

非士非工是逸民生年不食太倉陳
深衣來自香山

昌運先墓在
西郊香嶺下
嘗服絳衣長
墓而處里少
見之人多恠之

下驚恠長安一市人

其二

開門如見入門虛
壁影窓塵儗起居
真性帶來還帶去
欲求糟粕更無書

閒居書示兒輩

雲物鮮新霽晚空
斜陽轉對入簾櫳
北窓夢覺啼黃鳥
南圃閒看長綠菰
一室悟言吾與爾
九春花事兩無風
不知今日登高伴
何似庭除植杖翁

直中次僚友韻

日陟中園至暮雅
在官閑似在吾家
行穿大酉千竿

竹回看宜春十里花詩為長城松對對飲因無事酒
頻餘甃時欣遇忘形役莫對芳菲歎髮華

燈夕

乘夕懸燈動萬家滿城俄頃聞繁華夜深門巷遊塵
息月照茅茨一對花

過金士貞書室口占

世故驅人日不堪相憐鬢髮白髻髻檐端忽見西山
色愧殺移時屋下談

北寺洞與兒輩遊呼韻得花字

尋源不自認桃花背郭松陰一路斜莫道武陵非世

畧桑麻雞犬亦人家

與諸僚遊清潭次卧雲樓板上韻

次野老人真道流欲隨笙鶴訪秦樓
重來或恐迷歸路處處巖間碧字留

其二

背日楓杉翠欲流千峯霽色入虛樓
松風不斷清泉駛豈有衣塵一點留

自清潭還至朴允默墓廬留宿次壁上韻

朴允默曾祖
泰星性至孝
父母歿結廬
墓下終其身
○同里有烈

巖阿井臼隱棲餘澗上軒楹肯構初採谷
芝殘懷綺皓攀枝對老憶皋魚三山近接神仙窟
十室兼存孝

烈閭門外維揚冠蓋道不知幾箇式過廬

和徐明重慶昌種諸詩韻 并序

諸本瓊崖間出性溫平肉視薯蕷而優甘久
食益人壽且濟饑非躑鷃卓斗之比前五
十年湖南沿人得其種種之不以方故不蕃
海康一二郡外無有之余友籌司史徐君明
重常志於民食每見廟畫之闢荒政者其中
則有辭而職卑不能贊癸酉春明重求得種
諸諸方抄輯一通緒諺而藏之其意蓋以為
字民者如用之使農氓不文者見之自曉也

海石金相國竹石徐尚書見其書謂之曰此
民國之所急先不宜私藏而遂覆瓿立閱諸
道道授一卷俾播告列郡而期收效明重退
而喜曰志無大苟立斯足矣既又喟然曰事
之行厄在人在我者盡何責乎在人然既示
其能不恤其後此嗜名者所為吾實恥之乃
別購諸種於南人手藝之家有求之者輒副
士族之有知舊者得宰南邑必袖其方往候
而勉之若托其妻子於其邑而望存恤焉是
可謂仁人君子之存心也一日余道遇明重

明重道其事津津若無人又語其種諸詩一篇既歸遺余一本諸勸種之余甚感欲著文字以傳其績顧蕪拙不足闡萬一止和其詩而歸之以答盛意

數顆能充八口饑較看麻麥味珍滋河東移粟還多事汶下收芋不獨宜小史求方真懇懇尚書宣力也孜孜勸民惟在神明宰莫遺全功一簣虧

贈別慎一之陪李侍御慰撫耽羅之行

月出山前浪拍天扶羅南望路為千中丞此去播聲教書記君今倚雋賢霧裡鉤衣搖毒草烟中拂幕隨

叢碧玉流二
社名

飛鷺但令丹服爭歸化莫受裝金為擊鮮

鄭聖瑤溪亭賞梅病未赴追和

溪樓夜飲屢孤期可耐月明梅發時
冷蕊端應經臘盡素輝那待人遲
昏黃清淺搖佳句叢碧玉流同
舊知更欲折來恐傷損煩君為我
畫中移

癸酉除夕

隨俗酒漿具五更燈火遲鷄鳴還一日
斗轉已多時守歲兒童喜逢長老
大悲縱教年滿百忽忽只如斯

送李鶴樞君協海州卜居

甲戌

同城思不見忽如在遠途遠途今將歸老懷當何如
安得決塵網從爾石潭居碧城有棲鶴為我數附書

東省雨夜話學淵司戶

青林雨積欲黃昏虛閣無燈聽水喧遙想此時東嶺
瀑飛過松頂落雲門

南泰嶺廢城

不知羅濟代城此定為誰亂石門何向崩崖往屢移
憑依當日事荒沒後人悲幾箇爭蠻觸參差盡若斯
流民

不食扶藜畫已三敲門泣訴急焚惓主翁炙背簷間

道吾亦全家計荷擔

其二

薰面兼將菜色無飢兒在背畫呱呱惟應困劇求糠
覓愧殺今朝肉食吾

李公默夜邀余與君善元一步庚賞梅用自愛
新梅好分韻共賦

謂吾為君至恐見梅所棄往造疎枝下索笑何娥媚
幽馥賸舊聞素蕊盈今視薄帷愴霜氣深夕動清思
縞袂與蚌胎名言反多事雕績覺詩妄契在玄妙地
如從叔度遊甞時消吝累除非一文初好者應無二

相識有主人肯信非俗吏聞暇即行尋莫問來何自

送慎汝長安岳記室

乙亥

安邑遙遙接渭西思量客路白頭低
草堂卧病過人日海嶽明朝送馬蹄
書寄北鴻那見報愁隨春草漸看齊
休言書記翩翩去雲斷鄉關望轉迷

悲閔石農

存或伶俜沒可嗟憶時情較別時多
未聞梅福逢吳市莫學三閭赴汨羅
牆穴依稀通水火開門寂寞向山阿
侯芭已去童烏死其奈遺編覆甌何

和茶坊書室人日小集

人日常年見故人開軒拂席賦詩新今年此日獨相
望短柳疎梅空復春偶寄一官甘潦倒難期數子樂
清真元宵步月如聞健十二橋頭躡後塵

又次村邊杏花白韻

曲江院裏倚雲紅十里香飄繡轂風自是村家遊冶
絕獨將疎白隱牆東

路逢盧惠卿看花暮歸言懷仍寄

尋芳日日抵斜暉步履登登歷翠微陌上不知人散
盡林間惟待月明歸鳥貪殘食爭參席蜂戀餘香遠
趁衣更有花神如問我為言今墮百重圍

時值酒禁

和吳敬言暮春感懷戲贈

翟公門外去來人背面背曾歷膽親豈謂風流二三
子較量雲下有無春清陰一路貧簞谷微綠千家薛
荔鄰對此幽情聊耐久莫教心目換時新

再疊和惠卿

知君詩興似玄暉坐卧窓中對翠微久廢冠巾風不
出一貪花鳥夜忘歸家僮肩却曾隨村媼壚留舊
典衣數寄新詞難和得三旬篇牘準腰圍

桃花

輕紅淺白為誰裁羅綺泥沙任落來莫道春風無假

借開時不獨雨頻催

晚春遊玉洞次唐人韻

開戶吟詩便不新
詩腸磊砢轉車輪
檐端起視半邊日
巖背去尋三十春
細草罷光朝過雨
殘花遲待晚來人
代悲頭白是兒女
快意楚時無俗塵

次諸僚遊三溪洞韻

并小序

仁廟丁丑 昭顯世子北行也
春坊吏姜孝

元頴陪往留瀋館後與鄭文學雷卿謀欲殺

叛虜鄭命壽事泄俱被害
朝廷憫其節義

命復其家子孫世襲春坊吏其六世孫世重

年未冠屬春坊至 正廟朝特念孝元忠贈
職左尹旌其門除世重內閣屬官尋陞資為
壯勇營善騎將屢拜節制使庚申後因老病
且貧寓居三溪洞月課廳有孫以舊蔭永付
司果祿猶不贍躬樵採耕藝而自給春坊則
世重姪子屬焉閤吏姜鳳一為世重族叔時
與諸僚遊世重所皆有詩贈之余滯直不偕
止次其韻聯其卷而歸之三溪或稱雙溪

左尹旌忠宅雙溪彰義門春秋餘數卷風雪在孤村
病有僧來問貧無雀下喧不緣梅上月誰屬索郎樽

夜坐戲題

燈後如窮巷燈前如狹斜短檠照三面左右刀尺羅
當中子讀書餘光女治麻許我坐其陰塊然若無何
靈臺湛虛寂明暗無損加潛思溫舊學啖蔗味漸佳
拙思製新句雲錦爛光華思了歸靜域冥冥轉河車
今夜誰足用丈人功最多

士執宗浩仲麟伴直次韓昌黎會合聯句韻賦
成一篇余朝赴玩賞蒐得原韻外十一字間以
足成

曲席從坐密僚誼倍覺重執士林壑夢常懸塵塗退未

勇

宗

謀醉期首濡試吟喜肩聳

仲麟

避床孟何慚聯昂

侯自悚

初文

彩彩虞磬音鏗古硯墨波涌

士執

苑迴烟初消

橋冷冰欲墜

宗浩

在公思匪躬為吏繼舊踵

仲麟

龍圖登

後髦玉燭際垂拱

初文

後進無厓岸先輩半邱壠

士執

歸

隱澗多慙送窮鬼不恐宗浩薰蕕雖異臭駕驥亦一種

仲麟

但知器不同休論駕或愛

初文

衰劇悶戍削材薄奈

贅冗

士執

飲久麴為墨書多筆成塚

宗浩

直道還見容微

官詎要罷

仲麟

燃藜可校讐飲醇堪止詢

初文

雷雲凝仙

扁壁月轉畫拱

士執

離羣懷作惡涉世意多恟

宗浩

綾被

憐直伴琅函畏盈奉

仲麟

盤鬻愁羊蹴井犂勝牛墮

初文

梅疎綴珠璣
樅老結癭腫

執士

恩賜琴瑟張祕藏圖

書擁

浩宗

語妙心相契
謔善腹堪捧

執仲

溫室忘對嘉藍

丞愛竹攬

初文

霜清時警鶴
陰窮已罄蠶

執士

呵凍手添

皴履雪足生

浩宗

滿樽遙羨融
無詩屢恨輦

執仲

懶豈

解客朝狂如
被人憑

初文

繫袍歎空枵
濫竽愧餽

執士

恠石對君言
寒檜森且竦

浩宗

談資秋栗熟
詩思春草

茸

執仲

覆射分歧脈
卧遊描寵

初文

蕊八環盃爛銀六顆

燈斲珙

執士

化鯤欲徙溟
籠鸚難忘隴

浩宗

名韁牢絆繫

宦海苦淘溶

執仲

神釋紛影形
頭責等偶俑

初文

慎莫失

尺寸命不在
桔蓐

執士

蛙井觀小天
蟻垤比太冢

浩宗

睡

落膺嚴漢明
之子兄啓興號
菊山。金生以
韓石峯護

甘莊幻蝶心寂繭成蛹仲麟賭棊肯推枰投壺限傾甯

文初香囊金鴨呀茶沸火數踊執士歲色催似矢開愁亂

如翫宗浩棲鴈動宮林斜漢低禁甬仲麟酒醒奈樂何天

街曉鼓洶文初

奉呈嚴丈啓膺丙子

菊翁詞賦動京華令弟風流老更多二王傳嫡金韓

後吾道東來屬此家

其二

金貂賜誥本無情偶為年高被世榮應悔市門來賣

藥時人已識伯休名

偶吟

小艇偶出海驚濤幾不歸幸因好風便來泊舊漁磯

和羅聖範

文箕

韻歸之

聖範夢與其亡兄聚之賦詩其兄有斷雲如兩

漏斜陽之句覺而傷感足成律詩一篇仍要諸寮友和裝成一帖而置之云爾

浮生較夢夢差強夢裡歡忻覺後傷死別十年空悵
望陪遊一夜若平常人間未了堦荒樂地下猶傳錦

繡香烏帽看花舊僚在不堪聽笛過山陽

聚之嘗於內院與諸

僚友賦詩有白衣官送酒烏帽更看花之句故第七句及之

眼花

近撲簾櫳遠纈空認梨非白杏非紅團團開著元無

蒂點點飛來未有風醉後漸於他日盛者時難與少年同欲知一種愁人處庭院深沈暮雨中

暝色

花塢斜陽亦不遲數家烟火欲生時蒼蒼遠入牛羊
遲冉冉先歸鳥雀枝明日又從何處去老年無奈此
中垂山橋斷送人蹤盡惟有雲間獨鶴隨

硯池

半規如月小波平較看三湘一樣清雲黑溟魚深處
伏春晴書帶近邊生蟾蜍有水傾心吐鸚鵡無塵洗
眼明畢竟堪為湯沐所管城休待走頭成

書聲

清響高低靜處隨茅檐獨坐細聽且頻停定為挑燈
屢乍疊應緣擊節遲萬木蕭疎風撼夜半窓虛白月
斜時起余懷永還無寐幾几緗篇意可知

翠屏

門欲常閑榻欲懸一屏長設繞池圓糲糊粉素冬宜
雪渲抹蒼青畫有烟折不傷生同鶴短矯非移性學
牛穿漫歲豈與寒糴失花鴨來窺鹿卧眠

春日路傍情

章臺面面柳絲春寶馬驕行不起塵來醉銀瓶多少

酒回窺朱箔有無人鳴鞭脫手紅初墮帶葉攀枝綠
更新擲棄難孤今夜約杏花聽上點頭頻

松石園共賦

時艤貴彫鏤隻句窮暉晚物無數見鮮事有一往返
天遊始自今迷途知未遠滌彼花鳥愁及我烟霞本
松石夙好敦稱心如茶飯漫吟遺八病清言絕三損
優游靜域內庶見詩魔遁

近來年少有作輒咏物窮
搜彫績絕無馴雅趣今日

諸子畢集始賦古體一
洗嘈嗽之陋篇內及之

松石園共賦

談言不稱情阮時還為久坐卧非所安夏屋劣於斗

蕭然玉川宅堵宮餘五畝中有黔婁子復生千載後
邀我松石間呼以金蘭友嘯傲忘飢渴富貴真烏有

送王步庚爲嶺赴任

赴然王別將本是老諸生蓮幕頻叅畫片宮早擅名
蘿鹽精舊業竹虎荷新榮展足追風驥矯音出谷鶯
定由稽古力應爲報今誠召募千夫長指揮五等兵
加恩專地利聞喜實天成猿鳥三千棧雲雷百二城
兔遷曾失險蠻醜敢橫行背水何膠柱當關孰抗衡
芑桑存此戒樓櫓備堅勅吹角齊嬰堞懸燈儼列營
寓農通旅曲弛武際昇平夜獵冠文月春遊剪子晴

村書瞿佑止店鼓永登迎唐突防於菟憂虞道巨僮
紙謳聽麥秀兒叫識花卿衙罷投壺晚齋閒運甕輕
毛錐并槍劍肯甲難瑤瓊敷乃攷韜密穆如賦誦清
鞭蒲使無訟射鵠共其爭緩帶元儒雅據鞍豈老成
軍威害馬去子惠小鮮烹空袖思文績燒畬念古耕
瘡痍聞若恫薏苡見須驚夢遶周庠近心馳 魏闕
傾倘傳梅驛信休怕草堂英燕額飛當食誰愁滯遠
征

其二

西山風雨晴層城臨水送君盃酒清鳥嶺定知千里

遠蟬聲離恨一時生社中元白誰爭長洛下機雲舊
擅名翰墨豈為乘障用軸邁休忘在阿情

重別步庚

酒醒西樓雨滿天古人詩似此離筵可憐顏髮歸應
老莫道驂駢去若仙一別停雲當落日兩開叢菊自
今年來時見報秋瓜熟遊覽休須學馬遷

諸僚遊石瓊樓余方滯直未偕翌日和韻示之
平生遊北華難忘水頭亭檻曳雲衣白窓排石劒青
老年無日到幽事借人聽三復清泉句翻教熟耳醒

與僚友共賦午睡

午睡甘於蔗中邊味漸生只緣靜無事非為夢浮榮
半覺蠅投隙方濃蝶忘情華胥知近遠却訝片時行

川上

塵道冥行老未休遂初無計返林丘此身還似昭溪
水繞過中橋便濁流

寄君善

少日重陽樂事多登高作賦飲成醺蕭條短髮今如
此寥落空齋近若何紅對晚吟人悵望碧雲秋思
鴈來過書回若報黃花發一為相求到澗涯

松石園又集

山翁留客宿苦辭茅齋冷來此風雨夕愛爾山水境
雲月忽吐明參差松散影幽菊動寒香遠澗聞夜靜
且聽邱中琴老懷聊以永

銅雀津

上流游儵樂下流漚鳥親如何直要路爭渡南北人

舟中

水落江平穩輕舟揆櫓柔鳴騶同載去終是愧沙鷗

三遊湖南至釜城早發

丙子冬

郡樓哀角罷殘眠秣馬明星已在天孤店鷄呼如問

客平橋馬度似乘船水從素野來無定山過華城走
不連草具羸驂隨所有休論風土異前年

幕抵歡城

天安
古神

凍雲不成雪幕幕作蒼山雨一郡暗荆榛陰陰閉門鼓
錦營呈巡相洪直學

都尉賢聲傳奕世令公儒雅冠當時直提門下搗文
省兼察湖西布政司野外甘棠仍不伐田中秀麥已
成歧 經筵今日思諮訪峴首行看去後碑

見郵僮說鷄龍山頂有鏃馬僅如鼉人若移
動雷而聚至虎出嚇人云甚詭恠有賦

聞道鷄龍上有臺鐵馬高未過鼯鼠大欲動虎狼嗥
直以禪家物轉成此俗囂何當得羚羊一碎息滔滔

客懷

天時寒如此家事日何為指使須梳子身親有乙兒
竈薪將夕徙盆菊未冰移卵育冬還可籠鷄且伏雌
金溝縣滯雨

寒溜入池鳴泱泱晚風吹葉亂飛飛前村應有高人
卧不敢敲門借雨衣

晚向秦仁

瘴鄉千里苦愁顏馬首心懸不變間郡郭遙知烟際

封海門常見兩中山
天時隨日將南至
歲暮離人盡北還
可有絃謠能悅耳
前程行入武城關

暮向靈光

黃雲落日喚愁生
極目孤城數十程
北鴈同來背水宿
雪中猶自暮南征

廢村

行逢廢村墟
問是逃亡屋
生者不歸來
死者無塚宅
魂魄托叢祠
姓名留縣籍
環堵有餘灰
鄰人來種麥

夜聞笛聲

長笛誰家動
夜鳴暗隨寒雨入
孤城梅花楊柳何須

問搖向離人作怨聲

馬上口占

年陽曉雪與城齊
晚入松沙半作泥
朝日靈光騎馬去
青山暎郭水平堤

松沙途中

蒼蒼路何向
靡靡背征鴻
落日東邊雨
荒溪十月虹
有時天色改
迤望暮愁同
烟火村扉掩
胡為曠野中

送歲

家家具饌
服鮮新
明發如將見
大賓
怡悵老懷何所
似每年除夕送情人

此是復路時
故云背鴻



